



gazeTi gamodis  
1931 wl is 5 ianvridan

# კ ლ ი ო ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება  
ფასი 20 თეთრი

## საკრებულოს სხდომაზე

გაზეთი „ალიონი“



25/04/2012 12:25

საკრებულოს სხდომაზე რამდენიმე საკითხი განიხილეს. პირველი საკითხად „ოზურგეთის მუნიციპალიტეტის საკრებულოს 2011 წლის 9 დეკემბრის №49 დადგენილებაში ცვლილებების შეტანის შესახებ“ – ოზურგეთის მუნიციპალიტეტის საკრებულოს დადგენილების დამტკიცების თაობაზე – იმსჯელეს. საკითხი საფინანსო-საბიუჯეტო სამსახურის უფროსმა ლია ქათამიძემ წარმოადგინა.

შეჭირვებულ მოქალაქეთა სამედიცინო მომსახურების პროგრამა 15 000 ლარით უნდა გაიზარდოს; გარდა ამისა 2000 ლარი საცხენოსნო კლუბ „მარულას“ გადაეცემა, 1400 ლარი – სახანძრო დაცვის სამსახურს.

ოზურგეთის მუნიციპალიტეტისთვის საქართველოს რეგიონებში განსახორციელებელი პროექტების ფონდიდან 550 000 ლარი გამოეყოფა მერია-ლაითურის დამაკავშირებელ გზაზე ხიდის მშენებლობას; ხოლო საქართველოს რეგიონებში განსახორციელებელი პროექტების ფონდიდან 1 760 000 ლარია გამოყოფილი, საიდანაც ქ. ოზურგეთის ცენტრალური ქუჩების კაპიტალური შეკეთებისათვის 789 000 ლარი გამოიყო; მუნიციპალიტეტის ტერიტორიაზე მრავალბინიანი სახლების რემონტზე – 274 000 ლარი; ქ. ოზურგეთში ცენტრალურ ქუჩებში ფეხით მოსიარულეთა სავალი ნაწილის აღდგენისათვის – 88 700 ლარი; მრავალბინიანი სახლების ეზოების კეთილმოწყობაზე – 113 500 ლარი; ოზურგეთის №3 ბაღის რეაბილიტაციაზე – 268 100 ლარი; ხოლო მუსიკალური სკოლის რეაბილიტაციაზე 180 400 ლარი.

განიხილეს „მუნიციპალიტეტის 2012 წლის სახელმწიფო შესყიდვების გეგმაში ცვლილებების და დამატებების“ და „2011 წლის ბიუჯეტის შესრულების წლიური ანგარიშის დამტკიცების შესახებ“.

ალეკო მამუშვილმა შენობების გადახურვაზე, ღონორების მოძიებაზე და ინფრასტრუქტურის მოწყობაზე ისაუბრა.

ჯერ კიდევ პირველი საკითხის განხილვის დროს, დააყენა დეპუტატმა ლელა ნაცვალაძემ საკითხი, მუნიციპალიტეტის შენობაში გადაადგილების თაობაზე.

– დაცვის პოლიცია შენობაში შესვლაზე დეპუტატის აგანაც ითხოვს მუდმივ საშვს. დეპუტატი „ვარსკვლავების“ თემსაც შეეხო.

– ვინ წარადგინა „ვარსკვლავების“ კანდიდატები სამინისტროში? – იკითხა მან.

– ჩვენ არ წარგვიდგენია, თავად კულტურის სამინისტრომ წარადგინა – გასცა პასუხი საკრებულოს თავმჯდომარემ.

როცა უშუალოდ საკითხის განხილვაზე მიდგა ჯერი, მეღებეღებურის მაჟორიტარმა დეპუტატმა ავთანდილ ხინთიბიძემაც აღნიშნა,

რომ მუნიციპალიტეტის შენობაში შემოსვლ-

▶▶▶ **გზ-2**

## სკოლის დირექტორი, სამსახურიდან გათავისუფლების მიზეზად გასულ არჩევნებს ასახელებს

ნინო ნიკოლაიშვილი



– ტენდენციებს რომ არ ვხედავდემ, მაშინ არ შეგაწუხებდით, – ასე დაიწყო მეღებეღებურის საჯარო სკოლის ყოფილმა დირექტორმა ნათელა თოხაძემ დემოკრატიული ჩართულობის ცენტრში გამართული პრესკონფერენცია და სამსახურიდან გათავისუფლების მთავარ მიზეზად ბოლოს მინც მისი განსხვავებული პოლიტიკური შეხედულებები დაასახელა. მისი თქმით, ყველაფერი იქედან დაიწყო, რაც მისი და სოფლის ყოფილი გამგებლის შეხედულებები გაიყო.

– „2012 წლის 19 მარტს ჩვენს სკოლაში გენერალური ინსპექცია შემოვიდა. აინტერესებდათ სტრუქტურული ერთეულების მუშაობა, წაიღეს სამეურვეო საბჭოს სხდომის ოქმები. რასაც ითხოვდნენ, ყველაფერი მივაწოდეთ, გარდა ორისა, რომელიც ვერ ვნახეთ. სხდომის ოქმებში არ არის დაფიქსირებული კენჭისყრის შედეგები. მისი დასკვნის საფუძველზე 4 აპრილს სამეურვეო საბჭოს სხდომა გაიმართა. რათა შეწყვეტილიყო ჩემი უფლებამოსილება. საბჭოს 7 წევრიდან, სხდომას 5 ესწრებოდა. მათ შორის ჩემს გათავისუფლებას ხელი ოთხმა მოაწერა. სამეურვეო საბჭოს თავმჯდომარემ არ მოაწერა ხელი. თუმცა შემდეგ ეს ოქმი რესურს-

▶▶▶ **გზ-2**

## ოზურგეთში მეზოვის დღე აღინიშნა



30/04/2012 11:55

ოზურგეთის მუნიციპალიტეტის დასუფთავების სამსახურში 30 აპრილს მეზოვის დღე აღინიშნეს. მუნიციპალიტეტის გამგებელმა ალექო მამუშვილმა ეს დღე ყველა მეზოვეს მიულოცა, ამ დღეს დაბადებულებს გურამ ჭვლიძეს და ოვანეს ოქროიანს სპეციალური საჩუქრებიც გადასცა და შამპანურითაც დალოცა.

– ამ დღის აღნიშვნასთან დაკავშირებით სათანადო დოკუმენტი გაფორმდება და იგი ყოველწლიურად აღინიშნება – განაცხადა მამუშვილმა.

▶▶▶ **გზ-2**

## ახალი აღმოჩენა – აფხაზად ჩოლოქის შესართავთან

ნუზარ ასათიანი



ამ რამდენიმე დღის წინ, მდინარე ჩოლოქის შესართავთან, ზღვის სიღრმეში მეთევზეებმა შემთხვევით ძველი ხომალდი აღმოაჩინეს, რომელიც დიდი სენსაციის საფუძველი შეიქმნა. ამ აღმოჩენის შესწავლას უკვე შეუდგა ბათუმის არქეოლოგიური მუზეუმის (დირექტორი, პროფ. ამირან

კახიძე) ექსპედიცია, რომელიც სამისოდ გამოიყო და უკვე ჩაატარა ისეთი სამუშაოები, რომ გაერკვია ხომალდის ჩადირვის დრო. იგი დაახლოებით ახალი წელთაღრიცხვის II საუკუნით დათარიღდა, – ამის შესახებ გაზეთ „ალიონს“ ისტორიის მეცნიერებათა დოქტორმა, პროფესორმა იური სისარულიძემ აცნობა.

ბატონი იურის ინფორმაციით, ხომალდის შესწავლასა და ამოღების თაობაზე საგანგებო სამუშაოები მზადდება. რომელიც ხომალდი ჩოლოქის შესართავთან დაახლოებით 100 მეტრ სიღრმეზეა ჩადირული და მასზე არეოლოგებმა ამ ეტაპზე რამდენიმე საყურადღებო ნივთიც აღმოაჩინეს.

მისივე თქმით, II საუკუნეში გარკვეული ურთიერთობა იყო დასავლეთ საქართველოსა და რომაელებს შორის, რომელთა ჯარები შავი ზღვის აღმოსავლეთით, სანაპირო ციხე-სიმაგრეებში იდგა. ამ ჯარების ინსპექტორებისათვის რომაელებმა ამ პერიოდში, მოაველინა ისეთი დიდი მოხელე, როგორც იყო კაპადოკიის მმართველი ფლავიუს არიანე. არიანემ შემოგვინახა თავისი მოგზაურობის ბრწყინვალე აღწერა, – „მოგზაურობა შავის ზღვის გარშემო“, რომელიც უნიკალური წყაროა დასავლეთ საქართველოს ისტორიისათვის II საუკუნეში

## საუკუნეანამურიანი თეატრის ისტორია დეტალური დღე

ნინო ნიკოლაიშვილი



27/04/2012 19:45

ოზურგეთის საზოგადოება, მოწვეული სტუმრები თეატრალური ხელოვნების ზემის თანამონაწილენი გახდნენ 27 აპრილს. დამსახურებული ქორეოგრაფის ჯუმბერ ღუნდუას ვარსკვლავს სამი შეემატა. ვარსკვლავები საქართველოს სახალხო არტისტის გაბრიელ მდინარაძის, საქართველოს დამსახურებული არტისტის ამირან ქაღივილიისა და საქართველოს ხელოვნების დამსახურებული მოღვაწის ვასილ ჩიგოგიძისა. ღონისძიებაზე წარმოდგენილი იქნა ნ. ღუმბაძის (ინსცენირება კ. ნინ-იკაშვილის) „გამარჯობა, ხალხო“

▶▶▶ **გზ-3**

## 7 დღის ამინდის პროგნოზი

	<b>შშ, ღრუბლი</b> +11+21		<b>შშ</b> +14+23		<b>წვიმა</b> +14+20		<b>შშ, წვიმა</b> +15+19		<b>წვიმა</b> +13+22		<b>წვიმა</b> +13+21		<b>შშ</b> +14+22
1 მაისი სამშაბათი		2 მაისი ოთხშაბათი		3 მაისი ხუთშაბათი		4 მაისი პარასკევი		5 მაისი შაბათი		6 მაისი კვირა		7 მაისი ორშაბათი	



# საკრებულოს სხდომაზე

აზე პრობლემა შეექმნა. მუშაობს საზოგადოებრივი მისაღები, მაგრამ ერთ-ერთი მსცოვანი მელექტრონული ქალბატონი რიგში 96-ე იყო. მისი რიგი მონახლებული იყო, რომ ცუდად გახდა და წაიქცა!

ახალგაზრდა იურისტთა ასოციაციის ოზურგეთის ოფისის ხელმძღვანელის თამაზ ტრაპაიძის აზრით, აქტი მიღებული იქნა სპონტანურად, იგი საკუთარ სახლში დეპუტატების შესვლას არ უნდა არეგულირებდეს. მუნიციპალიტეტის შენობაში მინისტრებს მეტი უფლებები აქვს, ვიდრე დეპუტატებს.

მუნიციპალიტეტის გამგებელმა ილია ვაშაყმაძემ აღნიშნა, რომ ადრე გამგეობაში ბევრი ადამიანი შემოდიოდა. მისაღები მდგომი ერთ-ერთი ქალბატონი თმებში წვდა გამგეობის თანამშრომელს, იმის გამო, რომ „სად მიღებარ, ჩემი რიგი არისო.“ ახლა შენობაში სიმშვიდეა.

—იმდენი ხალხი დასაქმეთ, შენობაში შემოსულ ყველა მოქალაქეს გამყოლად ეყოფა—რეპლიკა შეაგება გამგებელს ლელა ნაცვალაძემ.

ალეკო მამუშვილმა აღნიშნა, რომ ახალი სისტემა არაფერს არ შეუქმნის დისკომფორტს და საზოგადოებრივ მისაღებში საშვის აღება უმოკლეს დროში მოხდება, ამისათვის იქ დამატებითი თანამშრომლებია მობილიზებული...

საკრებულოში გამართული პოლემიკა დასრულდა. დერეფანში გავიფონეთ დეპუტატ ლელა ნაცვალაძის მორიგი რეპლიკა:—ოზურგეთში ვარსკვლავს თუ ხსნიდით, პირველ რიგში ანზორ ერქომაიშვილისთვის უნდა გაგვეხსნათ იგი. გყავთ ვინმე უკეთესი?

# ხელისუფლების კოზიციის საშვის უმოკლესთან დაკავშირებით ურყევი

## ნუმზარ ასათიანი

2003 წლის ნოემბერში „ვარდების რევოლუციის“ მომდევნო დღეებში ახალ-მა ხელისუფლებამ მთავრობის სახლის გარშემო რკინის მესერი მოხსნა და განაცხადა, რომ ხელისუფლებას და მოსახლეობას შორის ბარიერები აღარ იქნებოდა. ადრე ხელისუფლება იცავდა თავს ხალხისგან, ახლა ხელისუფლება დაიცავს ხალხს...

როდესაც ოზურგეთის მუნიციპალიტეტის შენობაში შესვლაზე საშვი შემოიღეს, სწორედ ზემოთქცული ამოტივტივდა ვინებიდან. პირველი, რამაც დამაინტერესა, ის იყო, ვაშაყ, თუ ეს შეზღუდვა მართლ ოზურგეთში ხდებოდა, თუ სხვა მუნიციპალიტეტებშიც.

ჩვენს ფოთელ კოლეგას ლამაზარგინაგას დაუკავშირდი:

—ერთ პერიოდში ასეთი შეზღუდვა იყო ფოთის მუნიციპალიტეტშიც, მაგრამ არ გამართლა, მას ხალხის მწვავე რეაქცია მოჰყვა და მალევე გააუქმეს, —გითხრა მან.

მსგავსი პრეცედენტი არც სამეგრელოს, იმერეთის, რაჭა-ლეჩხუმის რეგიონების რიგ მუნიციპალიტეტებში დადასტურდა. მხოლოდ სამეგრელოს მთავარ ქალაქ უგდის გამგეობაში ყოფილა მოქალაქეთა გადაადგილებაზე საშვი შემოღებული.

ოზურგეთის ახალგაზრდა იურისტთა ასოციაციის ინიციატივით, გურიის სამხარეო და ოზურგეთის მუნიციპალიტეტის წარმომადგენლები მდიისა და არასამთავრობო ორგანიზაციების წარმომადგენლებს შეხვდნენ.

საბა-ს ოზურგეთის ოფისის ხელმძღვანელის თამაზ ტრაპაიძის თქმით, შეხვედრის მიზანს შეადგენდა მუნიციპალიტეტის საკრებულოს 2012 წლის 12 მარტს მიღებული №52 ბრძანება მოქალაქეთა მიღების მიზნით, განსაზოცილებული ღონისძიებების თაობაზე და რამდენად ლეგიტიმური იყო იგი.

ტრაპაიძის თქმით, ბრძანება ნაქარვედ იყო მიღებული, რაც კონტროლის პალატის მიერ მოქალაქეების დაკითხვებს უკავშირდებოდა და მისი აზრით, იგი უფრო გვიან იქნა მიღებული, ვიდრე გატარდა.

საკრებულოს იურისტმა ლამაზარგინამ განაცხადა, რომ აღნიშნულ თემაზე პროექტი მზადაა, გადაუღებელი აუცილებლობიდან გამომდინარე, საჭირო განხილვის გარეშე გავა საკრებულოს სხდომაზე.

გურიის სამხარეო ადმინისტრაციის

აპარატის უფროსმა ისააკ ლომთათიძემ მუნიციპალიტეტის შენობაში შეხვედრის შემოღება მოქალაქეთა ეკონომიკურ საქმიანობას დაუკავშირა:

—შეიზღუდა ცალკეულ პირთა პარამ. შეიზღუდა ზოგიერთი მოქალაქის ეკონომიკური საქმიანობა. საშუთა სისტემა მოქალაქეთა ქცევის ნორმებს აწესრიგებს. სოფლებიდან ჩამოდიოდნენ მოქალაქეები და რა საკითხზე იყვნენ მოსული არ იცოდნენ. ყოფილა შემთხვევა, დამისვამს დერეფანში მობოდილად ადამიანისთვის კითხვა: რას დაბოდილობ ქალბატონო დერეფანში? ხშირად შემოდიოდნენ ცალკეული მოქალაქეები „ორიფლემის“ ჟურნალებით და ქვებით „ბილმენტიც“ კი შემოქაქნდათ...

საკრებულოს კომისიის თავმჯდომარე პეტრე სალუქვაძემაც დაადასტურა, რომ მასთან მოქალაქეები ხშირად მიდიოდნენ ოჯახის წევრებთან ერთად, დერეფანში იყო რიგი და ხელი ეშლებოდათ მუშაობაში. არსებული მოქალაქეთა მისაღები ადგილებს ხელისუფლებასთან მოქალაქეთა ურთიერთობებს. თამარ კუპრაძემ (დემოკრატიული ჩართულობის ცენტრი) დასვა კითხვა, რომ ხომ არ არის შემთხვევა, რომ ადამიანებს პოლიტიკური ნიშნის მიხედვით არჩევენ? ხომ არ არის ეს ხელისუფლების საზოგადოებისგან გაუცხოება?

ჟურნალისტმა ეკა მგელაძემ განაცხადა, რომ მიუხედავად იმისა, რომ ნორმალურ ურთიერთობაში არის ხელისუფლებასთან, გადაადგილების ამ წესის გამო ხელი ეშლება მუშაობაში. მან გამოთქვა აზრი, რომ მოხდეს ჟურნალისტთა აკრედიტაცია.

საკრებულოს სხდომაზე ამ თემაზე მსჯელობა გაგრძელდა. ოპოზიციონერ დეპუტატ ლელა ნაცვალაძის რეპლიკები საკრებულოს უმრავლესობამ არ გაიზიარა (ჩემ-ჩემად რამდენიმე დეპუტატის „წაბურდუნების“ გარდა). საკრებულომ ბრძანება მცირე ცვლილებით ძალში დატოვა, გარდა საკრებულოს სხდომების და კომისიების სხდომების დღეებისა, თავად დეპუტატებსაც კი მოუწევთ შენობაში საშვი შესვლა და არც ჟურნალისტების აკრედიტაციის თემა გადაწყდა დადებითად.

თუ როგორ იმუშავებს მუნიციპალიტეტში მოქალაქეთა გადაადგილების ახალი სისტემა, ამას მომავალი გვიჩვენებს.

# სკოლის დირექტორი, სამსახურიდან გათავისუფლების მიზეზად გასულ არჩევნებს ასახელებს

ცენტრში შემდგომ შეცვალეს და სამეურვეო საბჭოს თავმჯდომარეს მამია თოხაძესაც, მათ ოურისტთან ერთად ახალ ოქმზე მოაწერინეს ხელი იმ მოტივით, რომ ხელს თუ არ მოაწერდა, ახსნა-განმარტებებისთვის არბენინებდნენ აქეთ-იქეთ. მათ ერთ ადამიანსაც კი არ დაუტოვეს უფლება, გამოეხატა საკუთარი აზრი. მე არ ვამბობ, რომ არ მქონდა შეცდომები, მაგრამ მსგავსი რამ თითქმის ყველა სკოლაშია და არც ერთი სკოლის დირექტორი ამის გამო არ გაუთავისუფლებიათ. საკითხავია, ეს შეცდომები იყო, თუ დანაშაული.“

**ამონარიდი ახალი ოქმიდან:** — „მოისმინეს: სამეურვეო საბჭოს თავმჯდომარემ მამია თოხაძემ განმარტა, რომ სხდომას ესწრებოდა სამეურვეო საბჭოს ხუთი წევრი და იგი უფლებამოსილია დღის წესრიგით გათვალისწინებული საკითხების გადასაწყვეტად. ასევე განმარტა, რომ სსიპ ოზურგეთის მუნიციპალიტეტის სოფ. მელექედურის საჯარო სკოლაში 2012 წლის 3 აპრილს საქართველოს განათლებისა და მეცნიერების სამინისტროს შიდა აუდიტის დეპარტამენტიდან შემოსულია №07-2-02/21334 30/03/2012წ. წერილი, რომელსაც თან ერთვის საქართველოს განათლებისა და მეცნიერების სამინისტროს შიდა აუდიტის დეპარტამენტის მიერ სსიპ ოზურგეთის მუნიციპალიტეტის სოფ. მელექედურის საჯარო სკოლის დირექტორის ნათელა თოხაძისთვის ვადამდე ადრე უფლებამოსილების შეწყვეტის შესახებ.“

**— თქვენ თვლით, რომ თქვენს გათავისუფლებას პოლიტიკური სარჩული უდევს?**

—მიმაჩნია, რომ ასეა. 4 მარტს დამირეკა ირინა ინარიძემ და მკითხა, —შენ სადმე აფიქსირებ თუ არა შენს პოლიტიკურ შეხედულებებს? ჩემი პასუხის შემდეგ კვლავ მკითხა, მაშინ რატომ არ წახვედი გამგებელთან შეხვედრაზე, სოფელში რომ იყო ამოსული. თუმცა მას ეს

# ლელა ნაცვალაძემ კოტი შარაშენიძეს „პითომ ოპოზიციონერი“ უწოდა

## მარი კოპოიძე

ლელა ნაცვალაძემ „ქართული ოცნების“ ოფისის ოზურგეთში ნაციონალური მოძრაობის ფილიალი უწოდა. მან გუმბან, დემოკრატიული ჩართულობის ცენტრში გამართულ პრესკონფერენციაზე ოფისის ხელმძღვანელს, კოტი შარაშენიძეს ხელისუფლებისგან „ხელდასმული“ გუმბანელი „პოლიტიკური ბარტყი“ და „ვითომ ოპოზიციონერი“ უწოდა. თქვა, რომ ოზურგეთის მოსახლეობა აგრეობს ხელმოწერებს იმისთვის, რომ კოტი შარაშენიძე აღარ იყოს ოფისის ხელმძღვანელი. ნაცვალაძის ინფორმაციით, 500-მდე ხელმოწერა უკვე შეგროვებულია. მისი თქმით, მუხტი, რომელიც მოსახლეობაში იყო, ახალი ძალის გამოჩენის შემდეგ, შარაშენიძის დანიშვნის გამო შექცირდა.

— „მივლეთ ერთი მხრივ, ხელისუფლება, რომელიც აქტიურ ზეწოლას ახორციელებს მის ამომრჩეველზე, მეორეს მხრივ იმედო, რომელიც მოსახლეობას ბიძინა ივანიშვილის პოლიტიკაში გამოჩენით გაუჩნდა, კონკრეტულად ამ შემთხვევაში არის ფუჭი. მე არ ვლამაზობ ამას, როგორც ბიძინა ივანიშვილის მოწინააღმდეგე, პირიქით, მე არ ვარ კოალიციის წევრი, მაგრამ ვარ მხარდამჭერი. პირველივე დღიდან, პირველივე დაფუძნებაზე, მე ვიყავი მათთან მიწვეული“—განაცხადა საკრებულოს დეპუტატმა ნაცვალაძემ.

# „ამ გათვლებით კოლეჯის დაფუძნებული და გვლობელი გახდება ბენდუქიძე“

## მარი კოპოიძე

—„სულ ცოტა ხნის წინ, პროფესიული კოლეჯი „პორიზონტი“ გარემონტდა და პომეზურედ გაიხსნა. სასიხარულო ფაქტია რაიონში პროფესიული სასწავლებლის არსებობა, მიუთმეტეს იმ პირობებში, როდესაც ახალგაზრდების მიგრაციის დონე არის მაღალი. აღნიშნულ სასწავლებელში დასაქმებულია 30 თანამშრომელი და საწავლებელ მოემსახურება 220-250 სტუდენტს. აღსანიშნავია, რომ გახსნის დღიდან ის ექვემდებარებოდა განათლების სამინისტროს, ხოლო სულ რაღაც ერთი კვირის წინ ის გარდაიქმნა ა.ი.პ.-ად. გახსნის დღეს გაფურცდა განათლების მინისტრის მხრიდან, რომ კოლეჯი და ა.ი.პ. „საქართველოს განათლების აგრარულ უნივერსიტეტში“ მჭიდროდ ითანამშრომლებდნენ. თუმცა შემდგომ გაფორმებული შეთანხმება განათლების სამინისტროსა და



ნაცვალაძემ აღნიშნა, რომ ოფისის ხელმძღვანელის პოსტზე კოტი შარაშენიძის გარდა ოზურგეთიდან იხილებოდა ცხრა კანდიდატურა და მათ შორის თავდაც იყო.

—„ცხრა კანდიდატურა იყო, მაგრამ კოტეს ვიღაც წონიანმა ფიგურამ გაუწია რეკომენდაცია. ბიძინა ივანიშვილი და მისი გარემოცვა შეცდომამ შეიყვანა ვიღაცამ“—თქვა მან.

კოტი შარაშენიძეს ჯერ-ჯერობით საპასუხო განცხადება არ გაუკეთებია.



აგრარულ უნივერსიტეტს შორის გულისხმობს, რომ პროფესიული კოლეჯების ერთადერთი დაფუძნებლად მომავალში აგრარული უნივერსიტეტი მოგვევლინება. ეს ჩვენთვის ნაცნობი პრაქტიკაა“— განაცხადა „თავისუფალი

დემოკრატიის“ ოზურგეთის ორგანიზაციის ხელმძღვანელმა თემურ სალუქვაძემ და მაგალითად ანასულის სამეცნიერო-კვლევითი ინტიტუტი მოიყვანა, რომელიც აგრარული უნივერსიტეტის დაქვემდებარებაში შევიდა.

სალუქვაძის თქმით, არის საშიშროება, რომ ამ გათვლებით კოლეჯის დაფუძნებული და მგლობელი გახდება ბენდუქიძე და მის სურვილზე იქნება დამოკიდებული სასწავლებლის ბედი. ამიტომ არ არის გამორიცხული, დადგეს სასწავლებლის გადატანის საკითხი და აღნიშნული ადგილი გამოყენებული იქნას უფრო მომგებიან ობიექტად.

—„მართალია ეს არის ჩვენი ეჭვი, მაგრამ დამერწმუნეთ, არსებული პრაქტიკა ამ ეჭვის გამართლების დიდ საფუძველს იძლევა“— განაცხადა სალუქვაძემ.



